

江
西
詩
徵

江西詩徵卷七十四

南城曾煥賓谷編輯

國朝

帥家相

家相字伯子號卓山奉新人我孫乾隆二年進士
由翰林改吏部主事出知廣德州歷潯州知府被
劾歸與從父念祖有大小帥之目著有三十乘書
樓詩集

述言

燥髮事吟諷賦詩亦連篇有如村嫗女背人弄花鈿十四
襲梁陳開口求華鮮織詞繪繪中倚響竿簞前二十擬唐

律稍與風雅緣雖無風雅緣撫拾爭枝駢不知本心聲
飮披陳編陳編亦浩茫如水灌百川百川紛亂流學海存
淵源超濟不以懣墮深自輕捐迷津使人悲中道又可憐
夜起奮迅呼掘井惟及泉仰觀曠寥廓俛瞰周袤延高下
每咄嗟網緼彼何宣余懷集已衆熏灼如火煎莫知所自
屬抑塞深纏綿有客向我歌發聲妙絲絃空中杳音節又
不可招驚因思激天籟意結萬象先萬象無滯著人心有
拘牽嗚呼卅年來往逐時流賢斯文豈駟僉匠巧非雕鏤
名心鏤真宰混沌鑿欲穿晚覺才益盡那知道難堅天地
垂大文以我殊衰衰窮繪宇宙態委之散浮烟六雄與六
雌有奏諧鈞天鳳鳥遺好音豈不唯自然今欲屏幽獨何

當守言詮願攀瓊枝自策珊瑚鞭駒隙度白日雪霜凜
華顛空言任一世死去當誰傳

夢得未句醒而足成

怪得天風徹夜寒倒吹瀑布紫雲端起尋五老不知處萬
壑秋屏立馬看

贈劉翁

宏龍

斯腰不常折未知富兒豪以茲累飢病媿恥深兒曹走貸
市藥資囁嚅使不高生人異貧富四海多嗷嗷咄嗟已飢
溺豈足煩叫號乃翁惠余私鍼灸隨手操弱子幸苟活銘
佩爲翁牢翁也掉其頭高歌眷蓬蒿往者閭里間東舍爲
貧饕估勢主稱貸剝及脂與膏西鄰有哀鶴雌者淒清噪

分翼在一朝仰天激號咷義心感熱血俠氣衝兩髦左顧
問所因右盼揮金刀別鵠操未闕和鳴起林臯惠施本不
報事往失貶褒請廢劉翁詠勸美存風騷在汝信擇術於
時切民勞自茲布明德一事爭豪毛莫如醫國手牛喘眞
切切吾聞拯時策不在癰疥搔腠理曾有恙公私寧各叨
小民念何責競利窮秋毫貴賤善調劑商農肆甄陶綱維
合郡國風俗熙游教余餓又何恤與翁浮濁醪

出門

車鳴馬又嘶親戚及我扉我入別慈母執手語意遲兒往
母艱養兒行母又悲親縫手中線淚落身上衣戚戚視兄
弟悵悵淚亦垂游子策高足涕豈生別滋親老弟尚幼恐

不任支持薄田無半畝余實畏母飢此心質明明感歎在
故知晨雞四五唱不得少依違弱子恐不顧掉頭竟駢馳
至性恩豈薄事有輕遠離出門復紆鬱重與親故辭

飢鷹

固有摩天翮誰憐待食哀人間絕知己吾亦欲懷才毛羽
秋猶暗風塵志不迴乾坤儼空濶側目任徘徊

逢南歸使奉寄蕭九丈暨甘六弟

非關使者告將歸歎息經年問訊稀祇爲困窮煩故舊畏
傳貧病到庭闌九秋夜雨蒙頭睡十月霜風見肘衣今日
題緘愁已絕他時啓匣憶相依

題馬員外

位老樹山房

閑庭紛落葉老樹卽名軒長日供高枕秋風對掩門古來
甘錯節歲晚傲孤根念汝端居意撐拄肆目存

傅六

鳴玉

久旅江南寄訊

才子常名客間關信有之吳雲知汝在朔雪別經時餘事
爲詩累傾身與飽期故人膺祿仕頻感倚闥思

幽事

地迴滋芳隲堂空下燕巢興隨幽事集春共客愁拋世豈
榮蕭艾吾甘用苦匏無人悟元賓悔解子雲嘲

送馬九歸覲

慈母吟於巷適子懷於荆同情異去住不敢送君行

題杭二編修前輩松吹書堂畫圖

顏風振寒柯但有危苦音傾耳紛晏歲恐懼方自今生微
喬木姿安得絕所侵杭君體貞素獨見希有心虛無杳偃
蓋杳邈聆疎琴猶當凍蚪蟄迴得蒼龍吟畫圖自渲染固
足開我襟喧迴高颺轉靜與白日陰從來曠遐屬情性諒
所欽延賞達物表至籟此可尋箕居委流運馳想極遠岑
企哉霜雪幹歎息吾已深

登慈恩寺浮圖

顚視連山列海濤不知身置碧雲高虛空一氣相迴幹日
夜長風中怒號萬里登臨悲汗漫百年寄託眇毫毛濁涇
清渭流今古轉眼翻愁眇屬勞

沙河

風起沙飛雨孤城立
暝烟隔河雙樹直
落日一邱園野渡
嘶流澀人家略約
偏時時逢覆轍途
路必迤邐

歸次安義離家僅四十里馳報兩弟

風雪有歸人春回馬首
塵山青曾入夢水碧
竟吾鄰休沐
辭

明主行藏媿老親
明朝拜堂上取次話酸辛

潦倒拋妻子艱難累弟兄
團團今日重離別昔年輕捧檄
毛生喜還家萊綵明風烟喬木影
瞻望已關情

望澤

豈有天潢注高寒壯一門
側空垂太古歸海自孤根
山水勞湍滌乘陵屬渴煩
遊鱗餘赤鯁了了脫仙源

望雨

山雨不違候當春已越期
震雷驚更蟄薄霧惱相欺
赤日晨光恐青林暮色疑
末由邀濯馭颯颯展雲旗
無田虛冀雨有歲固啼飢
獨眷垂天澤羣深遂物私
背人求蜥蜴然譚呪蛟螭
束哲須來此爲陳鼓社詞

上慈石

回瞰崩騰勢聲猶歷夕陽
鯨牙開道路鼉背上舫航
疎鑿寧無漏安危固有常客
心移敢決一葦信行藏

佩刀吟

佩刀出匣天風翔元冥
醜慘飛青霜龍蚪破山力
未猛雷霆劈石鋒猶藏
藏臨橋斬馬氣披靡入水
殲鯢寒浪駛虎鬚

壯士笑相視手按螭頭冰裂指書生何緣竟致此意氣翻
甘游俠死區區毛錐安用哉百年無挾空徘徊鉛刀市上
一操割落日華陽荒古臺

入春

乾坤側孤悶時序改無痕永日偏經眼春風獨閉門傷心
催柳變伏枕畏鴉喧大地晞冰雪虛徐客未暄

舟中卽事

坐永迴官燭霜風斷客衣一星浮水大斜月入船微守火
羣猿喚離行隻雁飢吾行趨隱忍歲晏自忘歸

黃天蕩戍風

慷慨輕天險沉浮狎楚筵百年淹利涉萬里惜淩風往者

韓王戰終銘宋社功棲遲經舊地流覽浩茫中

夜坐

淮海高秋夜風霜獨坐身有家徒委婦疎節未安貧素月
寒相照孤蛩語共親百年縈寸念宇宙最艱辛

值季大

邪彥

出示倚劒圖因贈

八載一相逢離憂安可道江山夢顏色意氣猶傾倒往者
燕山頭酒酣視穹昊蔚雲萬里合一碧秋難掃吳鉤躍在
匣側倚天浩浩鷹隼望烟霄驪驪羈梏早風塵子契濶遲
暮余枯槁握手未宣言歌呼間懷悞男兒重氣概樹立當
須早涼颼吹薄帷歲月零秋草秋草亦有華涼颼激人抱
壯志寧摧頽銷沉舊頭腦流星落圖畫卻顧中如擣橫鍊

復可憐鬚眉君未老

黃河謠

黃河水深不見底黃河水濁泥瀾瀾倒注終能裂宙坤平
流已復吞淮濟海若茫茫不得收南趨半欲淤神州龍門
一落千仞勢曲堰長堤爭控制豈有滔天萬里流徒高築
地三年計朝防黃河暮防黃河黃河一決橫其波帑金百
萬淪深渦帑金雖淪擲民命終如何我來三汭際康穩猶
似犯海漂危舸橫舸日暮神靈雨馮夷如聞隔波語鯨鯨
伐罌爲神舞蒼生無言帝力苦神來赤節迴天閭神去空
江鬼靈伍嗚呼神之來兮去何許巫咸上天訴無所

歲祀巡視餞籍中途作

樂歲詎不多獨哀我人斯豈非臨莅失不足希天慈吏責職所甘補過事已遲苟無

皇王惠何以蘇氓蚩驅馬徧問閭稽按敢濫遺野田舊黃雀向我重酸嘶粒粟飽有餘且憐同困飢誰言泣中澤異此鴻雁悲道逢採蕨女篋笥忽不持苦言取擷盡欲刷無所資那無舊田宅詎爾充乾糜鄉鄰盡蕪穢鬻賣當向誰窮猿哭三峽涕泣相漣洏隱閔無告情天地窮恩施仰惟朝廷意實欲宏惠綏但使中飽絕不受胥吏欺成法固有定恐復多權宜胡然過區別坐使哀此儺得罪世態怯憂民古人思思爾顛沛氓俗吏奚申辭

因視饑籍夜投山寺憩宿有述

翳翳翠微暮探藤人未還我馬嘶忽驚虎跡空連山誰能
絕恐懼余亦趨禪關借問持籬人信往遭禍艱潛身度密
箐趨避力孔殫餒腹藉少充縱死辭羸屨偷生豺狼窟人
命輕豆簞念之迫中腸吏責何由寬老僧供薄粥揮退不
擬餐忍飢度深夕庶以齊痼瘵穴鼠號顧我餘糧亦奚干
惻怛吾同人不言心已酸四鄰寂雞犬闔室候夜闌明晨
恐遽出菜色吾重看

逆風不得趨采石歎

駕舟學著宮錦袍青蓮復生許吾曹高吟長調復短調遠
汎萬里之奔濤隘斯隕人海又嚇江上古豪蛟應得鼓棹
顛風卻不前橫磯側島空千尺美人娟娟烟水黑酒旗蠟

校相蕭瑟李公詞賦江湖驅萬事未有淹胸臆登筵上殿
已復乖跋扈飛揚少顏色且從捨檝驂青驪襄陽不歌白
接離疾驟急霰相驅擁江外詩人壯一麾

觀何三十二桃花扇劇曲題辭作

猩紅墮璣夜宴客優奴慷慨動顏色山陰別駕老作顛
酒當筵屬詞伯手開卷什邀我看筆競風騷重合拍公子
夷門逸興高美人白下金縷袍寧南將軍帳中死閣部老
臣哀暮濤云亭曹官古述撰選調徵歌寄簪鈿不作乾坤
莽蕩愁祇傳兒女恩私戀憶昔南朝初下殿內直猶呼選
才媛六宮名寵散飛花半夜香姝抱遺扇君王萬里行頭
顛士女千春識顏面麗華辱并胭脂寒舞席歌樓忍重見

何郎感懷今古同衰亡事往不可窮羽音逸豔互相激坐
令曹官增歎息曲終鬼語聞耿耿明日新辭添古愁

五弟驃騎行

第五逸氣飛騏驎龍池霹靂傳精神驚駘蹙縮不挂眼愛
馬得此驃驎身圉中名駿動十匹驃騎羈序獨超忽目如
電光不可親氣壓羣材精在骨昔日西馳灞陵道秦地風
霜秋白草決背鷹雕愁已下騰空宋鵲哮相憐邊聲聒耳
亂笳角漠氣摩雲塞穹昊此騎一出排青霄纖埃不動撼
峰騎九天迅落飛鳥敵萬里戰及昆雞調道旁見者爭辟
易塞上材官傷寂寥燉煌酒泉望寥廓鬃尾獵獵飛長旆
卻迴韁轡又山立恥與凡馬爭雄驍卽今在廐無殊相自

古龍媒絕洲喪錦韉纓絡猶披身粟擇芻青絕惻悵武陵
桃花春竟香毛拳耳峻心長放吾弟癖馬知馬真可憐汗
血爲汝馴余亦識馬空馬羣歌詩磊落無其倫黃金銜雲
錦早得駕飛黃奚足道虞坂風悲天浩浩

疲驢行

疲驢尙勒黃金嚼市頭市尾供行脚柳枝拗作青絲鞭十
步強驅九退却同雲昨夜三尺雪積潭填淤沒深轍周防
亦恐遭蹉跌牽拽翻然成挫蹶路旁觀者笑掩口自顧深
知非汗血長安少年不肯騎騎馬亦侈千金騅錦韉玉勒
行蹠蹠奚奴左控還徐馳粉紅作顏花映肉不知黃髮生
何時疲驢縮足轉趨避信往實恐逢呵啗却思仗策走徒

步雨脚交拳戰凍沍豈無黑白神往來腦後雙丸遣誰顧
且揮蹇衛休塵埃五花騰踏終虺隤東塗西抹也自來昔
年騎馬今騎驢疲驢嘶風心眼開

度居庸關

居庸信奇險鬱望心眼開及今爲茲遊壯志不敢頽攢峰
走疊巘綠堞懸高隈夾壁靜白日重肩削崔嵬崩騰石根
竦慘裂坤軸摧嚴冬烏獸絕風至聞驚雷陰沙集馬首摧
物復已哀長城被萬里控制亦雄哉古來螭螭道戰血腥
蒿萊攻守勢必極理亂數豈該函夏今一統駕馭窮九垓
交通儼康衢日暮清黃埃畫角散遶響華雲抱旗臺道逢
高駝兒驅策但自來崇感

聖化被六合歸羣材胡爲古時士動激防邊才

八達嶺

天險有扼塞北制凌大荒八達其重肩睽矚秋茫茫旌竿
表雲直斥埃嶸霄長虎牙下礮礪熊耳高森張陰陽異氣
色直上排天間右揮黃金鞭左控紫游韁駑馬忽摧踣惻
焉心內傷物情懼蹭蹬愁絕九折岡飛龍駕雲衢亦起踰
太行古來揮霍材豈數病乘黃顧余肥遯姿驅策念所將
綿力不預計殷憂躋康莊馳驅出岔道高曠引廻翔頓平
夷險心忽駐星斗旁乃知擁護力

帝闕巍相望黽勉赴道路毋爲意傍徨

宿土木堡

風期馳塞外生小玩鋌戟氣擲封侯筆心銘勒功石中年
蹇文吏泛漾江海碧銷磨志意盡高興不能激左秩重美
官安驅况心適指揮蚩尤野躑躅清夷驛夜闌經土木殘
月照砂磧地高星漢下天迴風霜積荒寒集城堡浩蕩閒
鋒鏑談笑輕前朝甘心孤注擲哲士論功名無爲矜復辟
紛吾寵符綬涉地求周歷興亡古人事豈復煩胷臆月黑
停征車終宵忍違息

雞鳴驛至上下花園

驅驅轅轍遠炯炯霜雪逼憑憑氣色改莽莽雞鳴驛亭堠
兀趁人飛沙隕如石透西度花園地陋蕭宮跡強遶鰲中
土終古淪榛棘稍饒佳山水秀色餐遠客疎林帶縈薄落

日媚野碧流氣散無象暝霧輕更白迴環耳目異域外感
遐適

熙朝制六合九塞休士卒窮荒蕩融霽春色遠不隔狼豹
永潛踪何憂塞行役

秋獵

一雁落平蕪前驅試僕姑馬驍盤地盡鷹急上天呼殺氣
隔西極商聲合朔鴈眼中狐兔懼何暇問於菟

秋戍

八月樓蘭戍營連白莽高地荒龍鳥陣寒澀鷓鴣刀投筆
心空壯從戎事本勞長城驅飲馬霜色染弓韜

花豹梁

漸入飛狐道經行花豹梁馬蹄愁綳石人面拂濃霜江海
拋前夢并幽逐大荒莫添兒女恨牽牽淚成行

野宿

列幕依平野初成紫塞遊關山此明月天地古幽州風勁
鳴鉦急時清戰骨收白頭懷李廣猿臂失封侯

登鎮朔樓

胡笳動何處飛上最高樓高樓一延首天迴萬里愁風沙
橫斗曲城郭靜幽州落日危旌外茫茫瀚未收

望遠情無賴悲秋日幾回風高疑虎旅月白到龍堆一水
泮河下千峰獨石來平生有懷抱倚檻一爲開

塞上夜行

白草荒寒路征人夜佩刀馬驚危坂立狼倚斷崖號李益
詩能壯班超筆未豪高風來萬里吹雪滿弓櫜

臥病

蓬心初未已病久覺蹉跎秋入風先壯沙平月獨多鄉思
添去雁物色聚明駝服食安期棗堪違舊薜蘿

羌笛

羌笛誰傳入漠關一商一羽一回環高樓昨夜旌旗月脫
木窮秋鼠雀山萬里伊涼聽未已十年征戍髮全斑春風
擬復翻新曲楚柳江梅莫自攀

向夕

不夜悲筵澀非時候雁臨更能當永夕愁絕對荒林薄霧

兄新月高風生暮砧哀猿踰故楚此地莫傷心

邊月

故園羅綺色已復怨淒涼更遣隨征戍流輝傍戰場一痕連漠盡數尺去人長多少關南婦清砧搗暮霜

上礪兒嶺

恭承使符屬歷覽事職方郡邑雖僻小四境自有疆不窺高深異豈別夷險行南山旣巖嶮北嶺猶森張雄壯稍不如前勞終相望到山未十里徑絕路渺茫上凌躡崇霄下瞰歛墜梁引踵旋及脰僂身折迴腸螳緣一綫大猿引千仞強白日倏氣微北風輕衣裳流汗雖被體息躬凜嚴霜地偏改節候黍穀思平岡高下自殊勢已聞秋稷香居恒

任踏蹬願睹民物康况蒙薄征斂官守職役常批紇尙黎
庶廐馬喂白梁窮通不一值拭目苗莠旁升高俯窪下庶
用思周防

南山陁中題

懸崖亘積鐵陟此無窮門刻出樓櫓狀削排屏障尊仰凌
一綫天俯觸千石墩飛泉裂地底激怒不得奔轉幽一氣
合往往白日渾高空插劒戟其勢如軍屯娟娟美人峰秀
特又可捫左挹華蓋大右迴鸞鳳驚倏忽飛動意攬之苦
無根遲迴日車偃不畏熊豹蹲僕馬轉煩促風多冰雪繁
以知吾人心物感移寂喧左思賦招隱鄭谷依邱樊徘徊
問樵牧駐馬迷荒村

畫鷹行

幽庭突覺風霜入，絛鏃騰光百禽急。丹青畫神不畫力，蒼鷹尙是無心繫。縱之一決盤九霄，雛雕血灑平蕪濕。鵂鶒匿影鬼車噤，羽儀似有翔鸞集。吾知畫師神渺然，雄飛雌伏都忘天。昨日邊兒放一鵠，攫拏燕雀羅行旃。刷翎抵距空顧盼，逞材鬥健千夫傳。迴看此鷹岸壁立，瞑目不見高飛鷺。乃知斂翮卑棲者，世上應多大隱賢。

過延慶州因貽陳三孝昇使君

一郡挂邊城，東環右北平。星文猶析木，風俗迴神京。吏事驅蝗急，材官射虎輕。使君新治理，耕鑿信生成。

登戚少保凌雲臺

旌旆何時卷饒歌昨夜哀風雲瞻大將東北有高臺近塞
開烽燧遺勲溯草萊誰能擲錐穎一問古邊才

昌平州

一曲孤城數舊州十三陵口翠雲收高原馬踏殘陽影戰
地人耕亂石洲龍虎荒臺雄北阻鴛鴦潞水合東流衣冠
月出何年事闕殿空山記昔遊

苦雨

殷雷頻出地苦雨忽兼旬暗室防蛇鼠深林颯鬼神課虛
人事罕臥病懶懷真更遣逢搖落低回墊角巾

雨晴出郭

墟落白雲隈村村布穀催斷虹垂地飲浮綠蘸空迴農事

關心候川涂，悵望開褰衣。能每出不厭，滑莓苔。

舟行卽事

雙燕忽落東風微，卸颿牽纜相因依。小桃弄色殢殘雨，細草接波搖夕暉。幾度淮南作羈旅，十年冀北當旋歸。事殊時異看花眼，蜂蝶無情尙惹衣。

重至十八灘

宦跡如鴻跡，時時感舊遊。江光迷老眼，風物傍鄉愁。落日流颿聚，空天碎雪浮。黃公今更識，辛苦自行舟。

浩浩無時息，徘徊廿載心。風颿纏地古，龍石擁年深。世路彌多險，江山幾重尋。沙鷗渾舊侶，指點傲清潯。

過彈子磯

孤艘撇飛翎迴入青烟中江水亂古綠蔚藍倒來空歷歷
一千丈側落環深猗排根入地底直上不可窮盤紆控遠
勢重入引滿弓予往求丹砂志願如葛洪移郡邇花石固
娛心所從道路遲速間靈貺亦屢逢高空仰洞穴峻削連
青穹得無資羽化合有飛仙蹤

清遠峽

一禺風雨合帝子無時來下流不測江上插青崖鬼連山
漚翠靄白日蕩已霾亭午倒景空江光湛然開靈氣自往
復山精擁徘徊未知青冥內隱現軒轅臺不此問遺永永
爲賢哲吟艤舟逝南下落日歸猿哀

江漲行

蒼梧水深波浪黑南下封門猶氣色
洶流況逢六月漲剽疾欲動三山宅
我奉新符遵百粵插幟揚舡大烜赫
篙師絳絕騁飛槳水怒風顛行不得
天吳掉尾翻漩渦盤盪入蛟涎白白日
沈淪九疑暗連山簸蕩坤維坼平生叱
馭有奇概到此憂惶殷動魄懷恩未敢
卻臨深禱祀惟思效投璧白屋纍纍吞
巨浸哀鴻慘慘吟中澤雖非吾土猶心
惻安得陽侯訴黔赤高岸維舟不得力
回頭側墜三千尺人生性命輕捐擲

梧江晚行

桂水清何綺薄流黝入江亂山圍落月
獨夜急飛艤密箐深防虎孤村遠吠彪
蠻船紛暮火蠻俗見茲邦

行陽朔山中

擁雜千峰勢，烟雲極地隅。
荒城何處所，白日此中孤。
歧路憂熊館，逢人訝鳥都。
蠻方異行色，車敝馬須瘡。

遷江

十室邕州邑，家家住薜蘿。
雲深疑瘴起，山矮覺天多。
女伴蠻裝束，兒郎野踏歌。
淮陰猶舊裔，千載誼蕭何。

舟中望大藤峽作

五屯如雲屯，龍嶺紛龍翔。
瘴蔽起雙峽，高天落機槍。
右江一水來，一束迴潏滄。
上嶺屹仙關，下巖通牛腸。
峴嵒若百千，計安得無穴。
藏扼塞天所，設由來寄周防。
豈以資伏莽，憑依肆跳梁。
往在前明朝，姑息貽後殃。
不思門庭寇，乃慮螭

賊傷王師計順逆斬刈通慈祥剿撫異其宜事或關興亡
中原玩流寇滋蔓連苞桑勝國誤機宜豕突遂萬方遺烽
蕩白日此地交茫茫依古任族師其法周非常藍侯匪異
屬藍侯盤胡係峽內四苗族制馭猶黔蒼先事忽遠略參養成披猖國
家無事時凡百貴紀綱稽顙集重譯鞏圖必畿疆外攘而
內靖遐哉古先王轉思韓王烈略備弛與張瞻聽遂咫尺
永言適周行妖藤挾遺珠江淥逝且長徘徊漾舟入側佇
臨汪洋

汎江

大江鬱黔合一派下渾河舟楫騰騰疾靡蕪處處多空光
搖石髮宿霧上漁蓑跼跼飛鳶影猶思馬伏波

昭平縣

古邑橫江澳羣峰倒影中數家猿鳥共一郭水雲空樹杪
聞人語山畚量歲功猶傳荒徼地江漢有同風

病痺不能捉筆欲有所書戲成口號

疇昔好清吟塗抹信兩手自今右腕廢牽制若拘紐向來
橫揮洒驅役羣動走嘔心不知疲捉臂亦何有殊恐造物
機杼洩到十九無寧鬼神入偃蹇掣予肘吾衰精血耗歲
月磨厲久秋氣從西來彫傷見蒲柳毋堅歲寒骨安得中
自守遂初偶今年踵息救殘朽百骸載神運得喪非駢拇
泉石高其蹤膏肓適爲壽文通雖罷詠彭澤足航酒束縛
吾不撓歌呼對蒙叟

李龍官

龍官號月軒寧都人乾隆二年進士官編修

次韻贈劉大崧岳南旋

匹馬君南去難爲別後情嚴霜侵帽冷寒月上衣明斗酒
詩何有孤懷劍未成案頭鵠鵠眼不忍看塵生

謝天翼

天翼字鵬飛號久菴清江人乾隆二年拔貢官興

國訓導

遊閭皂山

松風起寒澗四山皆杳然我來覓仙蹤丹井如昔年著衣

悵臺北搗藥惟鳥傳

山有鳥名搗藥鳥

攀藤過仄徑摩石躋危巔

蕭蕭木葉落片片隨清泉白雲能我期草堂修竹邊

謝上選

上選字體乾龍南人乾隆二年歲貢

晚過法雨菴

孤城臨水閉淡日下寒林江樹人烟斷秋蹊落葉深空花
留佛偈山月共禪心最喜雲來往松風雜梵音

涂逢震

逢震字驚百號石溪南昌人乾隆四年進士廷對
第二授編修官至工部侍郎有石溪詩集

落星石

花南硯北一卷石二十餘年共晨夕石從天上墮寒芒人

向堂前思手澤憶昔先子宰項城閭閻疾苦按部行羣星
燦爛月未明眼前一星墮有聲風吹蕩濛掩金帶頃刻光
搖薄蕭艾呼來輿隸亟揮鋤峻嶒著手供爬梳移歸草堂
結三友霜雪皚皚都不受蒼衣擺脫離垢天春去秋來同
好醜此星此石居人寰側身茅屋傲松頑風雨不動安如
山商彝周鼎紛編爛

表曰修

曰修字叔度號漫士新建人乾隆四年進士授編
修歷官刑部工部尚書諡文達著有諾亭詩鈔

辛酉元日

上帝幹鴻運義轡無停鑣寒暄一以易昨暮非今朝元辰

肇令節建寅迴斗杓海雨春來歸烟景紛招邀和風自南
國麗日臨東郊作態梅婀娜含情柳妖嬈動植欣得所鳥
鳴呼其曹翳余方旅泊去住移輕橈頻年泛蓬梗故鄉隔
洪濤爲感節物新益念形神勞流光何荏苒去日隨風飄
吾生倏三十旣壯年非韶三分百歲內其一已莫招平時
汲汲志寸陰重瓊瑤如何墮悠悠坐使朱顏判古來幾賢
聖簡冊畱名高今人復何如思之心鬱陶撫時良自惜得
句空爾豪當春忌感慨且飲杯中醪

渡河作

唧唧重唧唧曉渡黃河側憂思從中來我有平生憶先子
官銓曹生我自京國甫脫襁褓時提攜屢南北時惟耽嬉

邀不省愁跋涉但記揚高船侵晨此飛越再侍趨

帝庭刑垣職言責親年未至衰春秋五十七狂飈殺百卉
喬木亦摧折我剛及十齡孤兒一身子母氏親抱持相向
但啼血撫兒止兒號母心更悽惻遙遙旅櫬歸道路五千
隔湯湯河流聲一路助悲咽迄今二十年辛勤事非一兒
幸及長成婚宦計初畢維此二十年幾日常侍膝河邊草
離離慣見青袍色前辱廷臣知鴻詞徵赴

闕黃塵六月中疲馬茲蹀躞報罷俄歸來徘徊理舟楫逾
年因計偕又復經都邑爲憶風雪中待渡南頭驛倏忽越
三春一官繫行轍西山飛白雲下有吾親宅道遠定省疎
家貧供膳缺春暉爾許長寸草何由答恭惟錫類恩感激

永無極特許寧親歸上堂慰白髮重尋萊子衣還捧毛生
檄山記向日程水減前度跡平生數經過撫今益念昔

秋屏閣

秋屏遺跡枕龍沙滿地苔痕一徑賒老樹綠遮深院閉夕
陽紅繚短垣斜斷碑無句陰芳草野老多情惜落花爲問
舊遊何處去令人搔首向天涯

昔賢曾此獨登樓往事偏供弔古愁人世蒼茫悲代謝古
今詞賦幾傳畱雲來極浦迷歸雁日下寒流點素鷗還指
檻前山色在畫屏千疊未全收

秋夜

爐香微裊碧烟痕夜色淒涼欲斷魂疎雨滴殘孤漏永暗

蛩寒咽一燈昏掃除世事歸高枕分付秋風與杜門何處
倚樓橫晚笛數聲哀怨不堪論

馬上作

北際南垂望未窮自來消滅幾英雄論交不棄鼓刀者相
士每於彈鋏中哀角入雲愁落日明沙如雪起寒風可憐
慷慨悲歌地今古遙遙此意同

苦熱行

出亦復苦愁入亦復苦愁平時胸次浩烟海到此何計消
煩憂一輪炎日覆初正千里火雲疑不流平頭虛遣搖大
扇赤腳空爾持深甌浮瓜沈李亦何有餐冰嚼雪真無由
疎慵但稱北窗臥放曠敢效東山遊故鄉結屋萬松裏畫

眠靜聽風颺。颺偶然行飯憩。午蔭鷓鴣相喚。無時休世緣。
迫促不得住。家具日夜依扁。舟簪篷周遭難障。日笛簞垢。
膩疑無秋。有時曲譬還自慰。未須苦詠聲嘈。嗽暑寒迭運。
理固爾乘流。任化吾何求。君不見農夫把鋤。日卓午沒髀。
泥深汗如雨。

舟過揚州作

堂堂我思六一翁。起衰功與昌黎同。遺蹟不隨江水東。平
山樓閣圖畫中。一時賓從俱雍容。文采照耀垂無窮。後來
何人繼流風。對山琵琶曲未終。雲烟倏忽歸虛空。檻荷寥
落青芙蓉。我來客裏殊匆匆。旅人塵夢隨飛鴻。佳境過眼
何由逢。明日又欲揚孤篷。江山有靈應笑儂。十三樓外紫

翠重二十四橋柳色濃
名山絡繹千萬峰
隔江返照車輪紅
老子於此意態雄
縱目遠瞰馮夷宮
割然長嘯驚魚龍
誰張廣樂吹笙鏞

暑甚晚步興福寺

杳杳鐘聲曲徑通
梵宮深處講堂東
竹涼似有蕭蕭雨
荷靜微生嫋嫋風
入定老僧同野鶴
暫來游子類飛鴻
歸時又發江頭棹
小佇閒亭意不窮

送黃培山乞假旋里

籍甚聲華滿

帝京承明猶得領羣英

甘太司馬似鴻博薦不就

天街官種垂楊柳只

解紫青送客行

寂寞新秋爭遠暉我來初值鴈南飛故園頻寄平安字爲
道風塵未拂衣

蔡正笏

正笏字書存號松亭南昌人秉公子乾隆四年進
士

同叔漢奇彬士遊石頭菴有感

閑從二阮尋幽處到寺蕭然絕送迎不肯避人穿徑筍似
曾識我隔林鶯丹青有恨憑誰寫苔蘚無心冒雨生獨有
東來新漲急潺湲猶似舊時聲

湯斯祚

斯祚字衍之號亦廬南豐人乾隆五年歲貢官新

昌訓導

鐘山洪

秀江三百里百折穿疊嶂渝水下承流鐘山重扼吭迴帆
凜大幽局關勢阻當峽影根虛無蛟龍深蟄藏白日晝沉
沉陰風遞慘壯幽鳥作春聲篙人卜夜漲石壁苔蘚文彷彿
秦漢上傳聞永嘉鐘雨後流泱泱又聞驅山鐸舉之川岳
盪神物效地靈此理寧謫詎他年探古來載筆還策杖
續譜金石志一賦鼎彝狀

茗柯泉

月上前山高冷然流水響手瀹一瓶香幽人自來往

南臺渡

西崦下斜陽行人沙面駐未解去來因日日南臺渡

袁州簡家弟教授爲之

萬壘圍青嶂魚鹽午市喧孤城斜背水秋樹遠連村江路
經三峽雲山識二袁宜春臺上望鄉思不堪論

湘江阻風

霜高九月南風死北船愁絕南船喜鯉魚風裏百重灘一
夜吹過荻花水湘浦延緣落照間欲進不進迴風湍堀堦
遠迷岳陽樹青蒼坐隔桃源山獨傍幽崖顚白芷蘭橈乍
動衝風駛洞庭落葉大波瀾飄蕩人間有如此竹林楓樹
夜颼颼江深月落暗孤舟九歌唱罷山鬼泣颯颯湘娥簾
外愁

徐文弼

文弼字勳右號蓋山豐城人乾隆六年舉人官教諭

章門別友

自聽陽關曲天涯隔故人語頻知別久送遠覺情親微雨江城暮寒梅驛路新徘徊樽酒意從此異鄉身

秦淮旅夜

湖亭邀皓魄閒訪羨門家石路沒寒水紫藤餘落花山原幽洞壑人自豁烟霞秋夢清無際西林散曙鴉

常州道中

秋曙毘陵驛啼鳥正泊船晴光生野樹涼色上墟烟瓜果

橫林市葭蘆落社田前程訪津路指點藉長年

桃葉渡

清淮楊柳凋金縷露落芙蓉冷秋水晚色寒香並寂寥渡
頭漠漠蒼烟起芳情長共碧流深粉黛終看黃土委桃花
日日嬌春風一葉隨烟抱香死紛紛舟楫渡江人獨立寒
天弔彼美

莫愁湖

盧家麗人名莫愁千金買笑嬌青樓紫烟散去白花舞湖
上芳風浩無主岸頭春盡草芊芊漁人拾得黃金鉤重
來欲覓釵頭燕飛英滿地無人見

先中山王舊第

太空翳赤日冉冉高雲涼一雨洗炎燄清讌君子堂沉李
浮瓜錦席薦紅玉流膏冰雪咽皜衣翻影舞鶴清瑤琴響
奏流泉濺石巖空洞晝陰陰巖際松梧高十尋磴道縈紆
上木末青翠拂拂生衣襟憑眺西岑出世界笙竽衆壑傳
遙籟迢遞清溪渡雪宮縹緲神峰岌天外慨想元勛草澤
中十年汗馬從飛龍一朝鼎定賜休沐鐵券直與山河同
江東昔盛傳佳麗半爲王侯營府第金張富貴末流微王
謝衣冠晚葉替六代繁華一夢中朱門白棘垂秋蟲歸然
猶見平泉石頓令慷慨欽英風我屬宗人附輪轂徒依幙
角鬪蠻觸西州城下過羊曇醉後高歌歎華屋

重過虎邱

清川寒綠泝滌迴雲木陰森紺殿開林杪墻當孤日出山
根帆受飽風來碧花字蝕魚腸古黃葉岩深虎跡頽曾記
石橋南畔路野航明月引長杯

舟過衡山縣

孤城迢遞枕山長遠嶂峇巒暮色蒼上下估帆分楚粵東
西流水合瀟湘嶺雲片片含殘雨江笛聲聲弄晚涼鴻鴈
最驚孤客耳秋風不遣到衡陽

夜泊姑蘇

蒼茫一枕水烟空過耳繁聲聽不窮夜火千門喧鶴市吳
飲雙渠集魚置城頭畫角吹涼月樓上清簫弄輕風倚醉
料應成穩臥無愁野夢到孤篷

八月一日曉泊樊田

茆屋參差對碧流，斷崖千尺泊輕舟。
負薪入市山樵早，擣石臨江楚女秋。
鶴立曉風楊柳岸，鷺團涼雨荻蘆洲。
天涯客況多蕭瑟，深坐篷窗惜浪遊。

趙山儀

由儀字山南，南豐人。乾隆六年舉人，與武寧汪軻、南昌楊屋鉛、山蔣士銓號四才子。年二十九卒。著有漸堂遺草。

春郊

遠風油油百卉光，悅白天布嘉休景。
昭列微和清感匪，象匪說穆然在茲布聲夢遠。

目下高阪春滿平林游目未厭入耳遂深良禽嘉樹清風
好音濠梁流水濯我遐心

嬉嬉童冠連跼芳茵土脉交潤蓑笠相親但知其樂安知
其春皇唐在野吾意還淳

出門

出門茫茫明日異鄉川路修阻烟波無梁飢寒驅我不知
其可悠悠素懷生事相左南山採葛北山採蕨各抱紛紜
誰爲相悅慷慨微吟風雲苦陰英雄有淚兒女何心

感遇

後凋美清松嘉樹頌朱橘當其歲寒時衆口亦如一豈知
風雨來桃李發豔質依然成故蹊不復念蕭瑟感此傷浮

沉白眼觀天日悲風起空山爲我耿紆鬱

曲逆不盜嫂塞侯不竊金數奇值黃口頗疑天下心人生
非木石豈免多故侵文侯封諺書千載悲知音

女媧鍊采石遂補西北天愚公負太行山岳東南遷天傾
亦可補地險亦可平人心終帆岬胡乃莫救焉惜哉大宗
師枉司爐炭權真宰不可問俯仰心茫然

讀淵明詩

三代已千載義皇誰復存登堂發遙想茲意難具言山河
改桑樹白日馳高原所事皆倉卒側身戀邱園

觀遠何必真感憤時復爾天地能清明斯人詎如此放歌
不可長生事亦云已獨抱無絃琴悠然中和理

甲子十月留別汪輦雲

結契在貧賤推與惟性真聲氣非所累素心相與親別來
屋梁月夢想亦已頻高秋起鸚鵡薦多士觀國賓澄波竟何
用三十懷席珍扁舟逐寒浪念子悲隱淪焉知丈夫志豁
達無微輦美人日遲暮芳意猶鮮新狂謠破四壁金石飛
梁塵非無飢寒累豪氣不可馴北風急偕計離合關心神
江水一千尺回波勞故人青燈對風雪兀坐同酸辛徘徊
及中夜山岳在明晨高樓若遠望南浦多秋蘋

丙寅三月送別汪輦雲之江南

天末愁雲起孤帆似夢中寸心不可限一雁過江東我欲
付高翼因之乘遠風平沙落月上何處唱玲瓏

送劉大克常之江南

遠遊非爾意無奈飢寒侵不下別離淚恐傷父母心天風吹短袖山雪下遙岑吾亦燕臺去蕭蕭旅雁音

舟行嶧湖道中爲風所薄自昏達旦寄命一隄僅乃

獲濟

遠岸長江靜孤隄白浪狂死生隨大造涕泣爲高堂疇昔永淵志終宵荻葦旁飯牛思往事回首一徬徨

清明前一日對雨書

時節清明盡春風奈爾何鶯花三月好愁病一身多暮雨沉清靄荒園長綠蘿懷人望不見江水淡微波

過梅花嶺弔忠襄公

羽書飛渡大江流一旅何曾出石頭
歌舞後庭迷帝子東南半壁下揚州
孤城鞞鼓青山動環土衣冠碧血流
四鎮沙蟲成底事梅花嶺上使人愁

丁卯寒食前一日汪輦雲滕王閣分賦

蕭然懷抱欲悲秋古樹荒烟出荻洲
如此山川常作客平生心事在登樓
文章有氣精魂在牛斗無光劍影愁
不盡天涯今日意江風吹爾秣陵舟

題黃婆洞流月池

陰厓白日寒飛瀑散雲霧可惜水晶簾
流向人間去
字雲巢晚眺

遠鐘生暮寒杖策倚疎樹山月在前溪
樵歌不知處

懷汪輩雲

青草岸邊歸雁沒白楊村外暮潮生
秣陵船上蕭蕭雨夢入陽關第四聲

十五夜月寄陶四孚中

時節經秋半西風入暮關佳期經雨後
夜色向人閒獨立依清露微吟托小山
廣塞高絕處容易許追攀

鵲鳩鳴深樹蕭然芳意窮美人吹玉笛
一夜滿西風淡月似惆悵孤雲方渺濛
永懷謝希逸清韻擅江東

留別盛明經于野

小築爲幽憩閒簾竹露新故人三月夢
高枕百年身耆舊今誰在窮愁爾自珍
茲山隔塵市應得臥麒麟

慷慨行

規平而磨水平而波我欲更之其來方多荆棘滿地手無
斧柯芝蘭愁歎心摧奈何神龍中天光景捷捷不斬白蛇
安有帝業延平雙劍一雌一雄風雲踴躍俱着我胸

舟中懷輦雲

滕王閣前雲氣陰滕王閣外暮江深思君髣髴不成夢疎
雨寒篷終夜心

秋日西城遠眺

荒邑西風觸樹鳴出門延首向西行白雲村落半明滅黃
葉人家時雨晴城角又催臨暮調野春閒送隔溪聲登臺
我亦悲秋客作賦長餘宋玉情

江西詩徵

卷七十四

國朝十

五

伍斯珣

斯珣字東石新建人乾隆六年舉人

王中尉祠

皐虞風節冷諫獵一書存臣儻依昌邑君憐到海昏河山
非二姓黍稷贍孤邨驂乘人俱杳重泉各淚痕

袁汝璧

汝璧字聯輝號易堂分宜人乾隆六年拔貢著有
易堂詩集

雨霽

雷聲聞昨夜霽色看初晴雨過遠山碧江喧春水生田夫
催布種園子話移橙明月堪携酒江汀采杜蘅

魏兆龍

兆龍字雲叢廣昌人乾隆六年拔貢客都門卒著
有需堂集

贈鄧二十五東海

春風襲蘭陞香遠風悠悠曾訂麻姑壇永矢括蒼遊相隔
僅百里如彼雲與溝麟脯空所摩嬰鳴不可求斯意竟何
許良辰豈易謀白雲常在天江水日以流幸聯上下牀日
夕相綢繆遺我結緣珍刺我蓬萊舟三年去一矜一字易
便適祥金質比堅青山氣益峭緬昔古桓交有此高誼不
能爲霖

爲霖字浣青新建人乾隆七年進士官檢討著有

鶴嶠詩鈔

訪山谷先生雙井故居有感

一月分寧客載訪涪翁居轉逕入幽邃烟水開林於灣勢
迴明月泱泱天曠如石壁裂斧劈石棧盤空虛酌我雙井
泉臺上窺遊魚遺址委榛莽約略存階除豐碑不可讀字
剝苔蘚餘堊老指陳迹一一爲嗟吁先輩一坏土飄葉吹
遶廬文章不可死故宅無完區再拜想元祐窮影清扶疏
白楊枯蕭蕭天籟生長嘯

璽拙畱別盛于野

君將老劍谷我亦歸緱山山谷有真性白雲爲往還殷勤
飲我酒爲我彈猗蘭酒力生春風天地回朱顏元音在正

始變徵還無端惓惓向中夜月落疎林寒且復酌我酒莫
言行路難

劍谷雪霽再過槐村

旬日淹寒谷初晴氣漸和溪痕添雪漲山夢出雲窩別路
梅花盡西風馬跡多槐柯又斜照樹影落微波

虎巖道中

迴巖通險阻仄徑復艱難磻曲水聲轉雲深人語塞隔林
見村落前路又峰巒朔吹愁天晚崎嶇十八盤

留雪夜飲與于明水賓作別

豈不戀朝夕梅殘歲事深留人香雪夢餉我白雲心力病
身粗健停絃月又陰來朝悵東渡渺渺託微陰

秀峰看瀑

何年五丁斧斷此森秀峰骨立絕塵表削出青芙蓉下爲
水精域上與天閭通鍊壁走飛瀑倒地傾銀虹幽潭闕山
月黑影酣眠龍濺沫落三峽作勢迴天風我來漱玉亭萬
慮激心胸天籟振餘響翠篠吟寒松縹緲發虛悟幽討隨
孤筇石磴恣盤折斷碣猜魚蟲滅滅或沒沒洗刷咸玲瓏
何當結精舍寄我黃崖東枕流滌雙耳卜鄰遲遠公磬破
碧雲曉鶴夢還從容

黃崖

爲陟黃崖險摩空欲建瓴劃雲成境界響谷下雷建鶴影
瘦無際村烟散幾星倚欄看瀑布一洗萬山青

望湖亭放歌

山前半倚楊柳灣山後壁立蒼崖寒就中亭子開八面望
湖展作汪洋觀天風振蕩不可象雪濤亂吼銀花團左出
彭蠡右襄漢千里一瀉無遮欄朱漑揚瀾出左臂爭奇扼
要當雄關將軍血食踞絕頂建僦陡健飛噴蜿蜒蜈蚣火焰
日青紫山水盪屋迴波攢蛟鼉戰鬪迷窟宅懸空蜃氣飛
輪盤險駭不敢立正視天鵬斜掠無停翰匡廬對而疊屏
障三十六扇如珎剡迷離霧色忽收卷五老鬚眉愁諦看
香爇過雨紫烟濕千年不與銷龍鸞水簾瀑布失神奧約
略意相存飛湍有時風日雨清廓魚鱗細浪鋪青純螺墩
島嶼天布置翠黛薄點琉璃斐漁歌唱晚一聲笛宛然人

在滄浪間我欲沽酒酌亭上秋風爲我開心顏
剽然長嘯振八溟十指酒力鳴珊珊丈夫應具此眼界不勞杖履窮
躋攀且與狂題雪色壁扁舟一葉長空還

月夜上三碕灘

雲萍雨驟雷磅礴三碕灘水何湯湯黃牛白馬駭不辨飛
潭直下翻瞿塘篙師舵師率險力毫釐得失神倉皇有如
楚漢雜沓簇旗幟雌雄一決爭滎陽又如井陘隘口東萬
馬長平草木俱頽唐一輪霜月照平埜萬家竦立山徬徨
回波積勢潭影黑魚龍戰乏酣睡鄉我亦醉眠聽清鐘耳
根洗淨天清涼

戰綜岡曲爲天全明招討楊公紀事

酸風獵獵絳黃沙。天狼逆燄生槎枒。金牛瞿唐失神守。血
流巫峽腥三巴。靈關一面鎖鎖鑰。將軍赤手殲長蛇。曼胡
長劍指天外。紅袍韎韐金縷霞。捲地旌旗潑風雨。里尤皂
纛催霜笳。鼓鼙譟急馬蹄直。踣翻血。躑躅蝦蟆黑霧沉。天
寒日月百萬骷髏。轅火車將軍力竭。枕戈死。握拳透爪還
攫拏。同行四十八男子。一聲飲血忘身家。雷南得殉睢陽
死。背裂髮。豎。鬚。齒。牙。尸。裹。馬。革。子。無。媿。汗。青。一。一。凝。光。華。
天陰鬼火銷不得。年年開作胭脂花。三更月。嘯。響。刁。斗。衝。
圍。八。陣。團。神。鴉。沙。場。夜。現。擎。天。柱。大。身。坐。勒。卷。毛。驕。赤。泉。
子。孫。世。清。白。祠。堂。伏。臘。陳。弓。散。何。年。酌。酒。綜。岡。土。礪。礪。銅。
鼓。椎。牛。祀。

暮投瑞昌縣卽事

暝色來天杪山城客到門萬峰陰欲合一水瘦無痕樵唱
月中影僧歸竹外村數聲吹畫角霜雁落平原

雨阻宿城山舊刹

立春前一日暝色變濃陰天作東風雨人投祇樹林濕雲
潮夜磬細滴響歸心煮茗勞開士更寒燭影沉

下湏陽峽

峨峨古天峽蹙勢何玲瓏臯石錯紛結齟齬爲橫縱廉悍
立卓錫鋸齒雲磨礪骨朶已交杖一綫天門通欲轉不可
盡逼人窮征鴻有時作陰雨日月虧洪濛絕壁嵌鳥道伊
豈淮陰功俯瞰震地軸深黑鯨鼉宮失勢墮孤鳥振角鬚

飛龍烈焰輾雷礮出沒咸隴控嘉嘉捫當直當關一卒雄
羣山帖俯伏獬廌獬廌山環水百折愈折濤愈洄幽險
復神奧夜夜崩秋風一舸小如葉斗落如飄蓬人傳此峰
杪曾有飛仙翁或是走毛女授劍來猿公峽嶺有飛仙臺遺跡翹首
冀一遇寂寂無遺踪且復坐盤石彈琴吹老松

薄莫過大村

澹澹夕陽遠微風得晚涼烟平村影白雨過豆花香山口
月欲吐溪心雲正黃莫辭人意倦清拂芰荷裳

華嚴洞

古壑藏天地雲裁不壞根有誰駢鬼斧或恐到桃源雪滴
乳花瘦苔寒鳥蹟昏窮幽託元賞秉炬一追捫

下清浪灘

揚颿愛風駛下瀨喜灘急龍涎激秋雨濺使青天溼操縱
勞長年屏息蒼鷹立一石捩一篙心手妙相入借勢得分
寸雷車翻歛歛弄雪跳珠花臥聽鯨人泣

博陵蚤發

落葉破殘夢疎林月五更氷花勞馬跡鐸語亂雞聲影瘦
寒仍怯峰微遠欲明中山遺碣在古驛近邊城

百花洲

雲滿窗紗月滿廊清華水木動滄浪美人香艸愁西子綠
柳紅橋盡維陽鏃戟何人走麋鹿金丸隨我打鴛鴦蓮壺
舊有飛來鳥

亭上舊額莫認亭前射鴨塘

江城雜詠

永買蘭橈作釣舟三年迢遞想江樓
百花洲上荻蒲雨寫到寒天夢裏秋

吳姬寫韻夜吹簫碧玉寒簧逐隊邀
十二湘簾花影簇寒香繞過水關橋

周孔從

孔從字監二寧州人乾隆七年進士官編修著有
自亭遺草

送熊鶴嶠南歸

相思何迢迢渺若西江水清風江閣寒
匡廬山氣紫桑梓托遙情別緒愁雲起
鴻鴈影迴翔援棹變宮徵酌酒餞君

行君行行且止歸省何辛勤慈顏慰甘旨空山春雨深念
我懷雙鯉

廖運芳

運芳字湘芷龍南人泰漢子乾隆七年進士

宿浮杯精舍夜雨後作

深夜雨初霽斜月倚空霧疎星水際森孤螢沾不度殘燈
耿虛壁暗蟲語還住夜氣函元始諸動息紛互夙懷遂清
退復此警新悟坐久空山空泠泠下風露

過上皇山精舍

石徑無人到溪聲隔竹聞殘燈孤嶂雪曉色萬峰雲僧鉢
呼猿共山樵混鹿羣澄心留半偈冥坐到斜曛

曉過玉峰山

嵐薄朝暎麗春岡帶曉痕江聲雲際寺樹色雨中村斷岸
移新渡孤城接古原未須綠看竹隨意欵柴門

玉石上巖

何人隨手挾空冥劃斷雲崖半壁青松響未妨溪性寂石
虛應識地根靈朝鐘散食猿分鉢暮磬關門鹿守扃最愛
玉簾垂紫乳曉窗飛霧灑清泠

秋日登鎮龍臺

愛此晴欄事事幽每來蠟屐作閒遊拚消歲月供詩卷暫
喜雲山入醉眸半岸夕陽黃犢晚一江殘雨白鷗秋清尊
足了追歡興懶向西風動古愁

晚步南郊過浮杯精舍

古林深寂抱江干，風物蕭疎畫亦難。
亂水穿籬秋後漲，殘雲抱樹雨餘山。
一杯聊遣閒中興，雙屐還尋竹裏關。
歸路恰乘漁艇便，釣竿插住看孱顏。

樊駿

駿字惠我，新建人。乾隆七年進士。

過暹羅國貢使勅博瓦綿墓

占波勤貢使海外，到中原故國迷歸道。
他鄉寄旅魂一杯，無樹表九字有詩存。
風雨湖亭夜，青燐黯墓門。

錢順則

順則清江人。乾隆七年歲貢。

施三尊重築吸川亭成屬和元韻

芳亭遺舊址勝蹟緬前修檻湧江雲入庭酣竹雨秋清尊
吟太白碧嶂繪營邱吏隱塵勞少登臨興自幽

江西詩徵卷七十四

江西詩徵卷七十五

南城曾煥賓谷編輯

國朝

雷寅

寅字東甫高安人乾隆九年舉人著有畚山遺草

雜詩

高樓有歸雁征人猶未歸
長安不可見空自理蛾眉
不念去時語還感寄時衣
斜月翠幃掩下簾心暗悲
托語與秋雲照我當牕機

峩峩太行山崩崖走雷電
策驥據其巔金碧曲相獻
涕泣望關河千古雄圖見
雁門朔風吹高闕浮雲變
古人重開

邊深略無奇戰

嶧山

石氣雄滄海孤青接岱東
天形平野合雨氣百靈通
兵火銷秦輦雲霞護禹祠
祀盛草澤起春風

鄧錫禮

錫禮字梅庵萍鄉人乾隆十年進士授吏部主事
擢郎中歷任河南糧道

陶然亭

共有登臨興招尋日正長
孤亭依沼靜高樹納雲涼
載酒浮金椀拈花坐石床
醉餘頻徙倚樓外靄蒼蒼

遠眺青冥合高瞻紫禁開
片雲籠曉日深樹擁層臺
抱葉

蹕猶寂穿花蝶自來憑高一極目延賞正徘徊

涂瑞

瑞號詔庵新城人乾隆十二年舉人著有東里類稿

秋懷用昌黎韻

砧聲何切切我心何曼曼客久思里閭愁多減餐飯人生百年中強半不如願出門有同人得酒且相勸時還讀我書書多卷盈萬支離竟浮沈易簡憑誰獻力田重有秋失學徒自怨

葉落隨風捲氣肅儼冬凌文章類畫虎名譽等飛蠅士品貴有真多口何足憎古來賢達士方正見孤稜矯矯鶴出

羣洋洋魚脫罾豈曰謝塵網聊以厲修能

霜威下園林凜冽發心警草木已黃落日短夜漸永焚膏
繼短晷力用及時猛山高由小積井深托長綆一簣安可
虧及泉始爲幸至境在寸心心清俗能屏

憑欄看遠山烟花凝暮景山頭吐明月月出照窗間我有
素心人神往路爲梗心志事濯磨文字賤馳騁得句藉商
確奚童爲走請

王吟

吟字旦方安福人乾隆十二年舉人

送魚亭之江南

君亦何爲者蒼茫復問津交多情易竭客久夢難真抑塞

天意窮通仗此身一尊江上進雷雨壯精神

余 螭

螭號映瀾武寧人乾隆十二年貢生

感遇

竟日山房雨溪流萬壑怒我欲下山去茫茫苦無渡人生
出處難惆悵多窮路飛禽濕羽毛旦莫棲故樹

賴 晉

晉字錫蕃一字畫人廣昌人乾隆十三年進士官
太倉州知州著有畫亭初稿

宋史雜詠

山河百二勢團圓偏說東京府第寬馬到黃河憑畫渡山

臨少室折風竿鴻基豫卜杭都兆燕翼誰思藝祖難若使
當年違弟諫金人何計到長安

彌留何處得情牽鼯睡真驅臥榻前母子全家爭托命宮
庭半夜問賓天帷燈照出空中讓開寶蓋稱死後年于古
桃園書趙盾史家深語情誰傳

外王內聖一身兼魯論中大法界嚴兩代君臣各半部一
家骨內竟長殲諫遲北伐終傷勇金進南邦信害廉豈是
希心開卷益滑稽言語托炎炎

畫策何人罪可誅一言九鼎奠神符洺州乍足搖邊鄙法
駕容堪徙汴都天上河連巴子國戎間將拜執金吾北征
不下漣淵路車渡今朝早立孤

曩宵終屬負山蛟十不如謫賊勢分風震龍圖稱老子畫
披銅面拜將軍墜巖肯念銀泥合烈火從教玉石焚偏是
和金三十萬養成靈夏縱妖氛

兩代垂簾正母儀女中堯舜更無私西征外戚還天譴先
帝奇才到眼悲元祐清流三黨出熙豐舊事九年釐老身
沒後闌珊局空泣前春社飯時

警戒無虞在及時邊關乍息虎狼飢誰食一撮平州土坐
引秋風塞上騎宜撫雄才能夜遁黎陽輕度少人知南朝
自愛城門閉反側空悲郭藥師

中興光武責綦難左袒敷天詔未乾馬到關中金算握人
依留守兩京安輕帆十月揚州下敗絹雙書霽郡寒枉寧

姚崇章奏切七旬傳舍聽中官

蹂躪中原萬馬寒幾人江上迢迴鑾常山首尾同操算大
將威聲早築壇徑喜彥仙摧陝郡直憑婁室陷延安魏公
自有富平罪漫咎聽讒殺曲端

唾手燕雲復兩河天生少保足麾戈廬山孤墓忠歸孝左
氏論兵少勝多三字獄成和議穩黃龍府飲夢魂過當年
獨惜韓忠武不保全家却爲何

南來權相遞相尋矯詔皇儲竟自任私語早成慧日闇殺
機先透美人琴中宮噍類三更泣四載前星一夕沉大是
胥州孤憤在支撐螳臂哭潘壬

濶端銳氣掃熊羆最爾文州勢莫支固守當關臣力竭援

兵踰月諜音遲凋殘衆志成城局鼓舞全家飲藥時倉卒
莫忘庭訓禮堂前下拜六齡兒

兩川鬻幣土花斑余玠當年鎮撫開館集招賢同左袒城
開古蜀鎖重關北方寇焰千峯出萬里忠魂一櫬還好共
再家兄弟哭杜鵑聲振釣魚山

不絕人心寄二王艱關海道一舟航樓船頻下大庾嶺井
澳新開古戰場首尾回環三戶國春秋轉換百蠻鄉老臣
幾度朝衣濕搔首東風問彼蒼

涕泣勤王獨起兵誰知戰士盡空阬分四鎮羣疑奪開
作真州泛海行下藥且醫君父疾讀書須令聖賢生南朝
死殿文丞相古誼忠肝日月明

君臣忍死歷艱關，少主中興付等閑。
自謂人心終有托，誰知天道竟無還。
招魂帝子春三月，伴葬龍孫水一灣。
三百餘年仁厚澤，淒涼風雨立厓山。

遊青原山

飛入中州海外山，青原橫列翠微間。
地靈疏瀹三溪水，天老鉗鍾七祖關。
夢寐人家灰劫盡，菩提樹種土花斑。
幾年夜雨殘僧席，挫折秋風古佛顏。

東豐城志局諸君六十韻

奕奕古豐城，建安南州附。
卜食豐水西，富城城已故。
今治遷永徽，沿革經朝祚。
九野列分星，星入斗十度。
雙劍惡秦皇，獄中騰武庫。
至今榮塘春，石匣藏風雨。
東望孺子臺，櫛

山足千古誰過浮邱公王郭虛名付西邊梅仙嶺子眞餐
清露誰建黃金城吳臯傳謬誤羅山南境峙形勝跨吉撫
神仙三十七始豐福地著龍頭北極臨曲江文瀾互峨峨
三賢詞風聲起沉鋼四封名勝多齊諧剪荒蕪爭懷孝感
泉漫吊吳王墓郊還十七鄉水種六萬戶窪突半湖田長
洲首龍霧民氣戒囂陵風俗崇儒素人文崛起豪亮節光
寰宇有唐王季友孝經追孺慕煌煌趙宋興奎壁中天遇
九十又六人名實森記註元首揭文安史家推獨步儲才
與正心兩言足施措前明朱閣學名震遼東戊夢裏編春
秋述神歸心晤尙書十三人先瞻喬嶽樹土木裂忠肝八
事安邊圉騰驤勇士裁南征勒虎旅獨紹伊洛傳忠勤邀

簡注來復啟六箴建文追廟祔無刺問權璫勤修聖學疏
或披宛委書蹲鴟能辦芋或調寬猛懷來子歸乳哺單車
撫賊巢殊方伸勦捕不避交趾危直將克瑾忤慘慘河陽
驛荻花同贈賻桓桓鄧將軍朝鮮忠魂塑渠隍保障深飢
民通哀籲理學守先賢宮牆陪正路勝國多偉人輝映扶
桑馭繼起擴芬芳真堪更僕數頻儲九鳳材不受山靈妒
獨惜五水驕能逞波濤怒內窪外隆隆崩塌河神怖疑始
永徽年長虹臥水滸築埽首辛公一仰安瀾渡誰識敖家
湖舟載苦行士治桑變幻工錯綜有神務堤正而埽奇兵
法機宣布豈無徐鹿卿河防操備豫豈無黃主簿身先夫
役苦不縻內帑金實念窮簷賦蓄洩探遠謀衆中防暗蠹

心計關馮存未雨繆綯固舊乘苦因陳新書宜楚楚願言
班馬才鴻裁自奔赴隄防溝洫篇嚴立勸懲語豐城勝金
城筆鋒神鼓鑄

十六國小樂府

前趙

呼韓邪培塿耳鳳皇來集蒲子玉璽來獻汾水南郊稱制
二年餘柳谷石馬今有驗日精日授龍門魚

洵洵西明門峩峩光極殿長驅陷洛陽京觀築水面青衣
天子兩侍讌記否當年豫章王偕來武子同依戀樂府歌
柘枝弓銀屏硯

中山分野屬大梁南山七字敗趙昌奔馬醉蹋陷石渠羞

令太子作降書咨爾熙曜已矣諸臣匡社稷勿以吾易意
肉袒牽羊銜璧來吁嗟東門一天子

劉曜

後趙

洛陽斬王彌邯鄲控要域孤厭卿老拳匹夫無讎惡食其
爾何人立後勒六國本俗禁喪婚氣伸諫臣直礪礪落落
一人豪曹馬定論烏能逃韓後彭先樹旗鼓却怪逐塵比
光武

石勒

大雅悻悻中山怏怏當年崇訓宮誰扼季龍吭徐光好諷
勒好勝儼然漢祖得馬上

石宏

快牛犢子能破車食人百萬勝雄虎雄虎化雌雌誕狼狼
噬虎腦美如乳惟有佛圖澄褰衣殿上行棘子成林壞人

衣葬石而去洩天機

石虎

由夷比廉喬松比壽歸身晉朝休作魏冠不聽辛謚言赤馬朱龍潰圍走冉姓之鼎夫何有

石闕

前燕

大棘城邊習華風丹書鐵券制海東慕容廆光爾祖東庠引劉讚賓友先孔慕容冠步搖符何足數一朝覲定大英雄安北將軍張壯武

慕容廆

龍嬉翔交解角都龍城講經學宋長史貪如鼠百匹布卿負去

慕容皝

陣俘鞭石閔剖棺鞭石虎君王本非嗜殺人拈弄筆墨多擬古君不見先朝老馬真個儻以銅鑄馬親讚像

慕容儁

東堂祀孔子繼業傳儒素可憐吳王垂功高反受妒冠軍
將軍受秦封秦師十萬捲風雨徑欲歸死先人墓

慕容暉

前秦

雨若不止洪水必起識文不足憑背有草符字三秦王興

有扈氏

符洪

遺命都關中南郊冊袞冕大頭龍驤霸才展長安人家真

富饒禾被原野蠶成繭

符健

瞎兒一淚性耐刀稍殺人如麻以爲樂滿眼休嗟虎口中

東海大魚化爲龍問何所在洛門東

符生

夢中天神拜龍驤大器博學推秦王尅益州尅涼州尅代
州鄴城長驅耀兜鍪不覺投鞭足斷流果然司馬承正朔

五將山恩王景畧

符堅

新平寺因問至據晉陽卽帝位東逼慕容垂西逼慕容永

前年箕尾掃東井

符丕

狄道長無能爲山南一敗勁風吹立像斬像此何時却庇

姚興一小兒

符登

後秦

燒當遺裔起赤亭附漢附魏留成憲東徙榆眉襁負從高陵郡公足卿願四十二子守遺言後秦之國應不建

姚弋仲

殷深源敗山桑桓宣武勝伊水兵家勝負亦何常歸晉降

燕徒諛詭

姚襄

冠軍將軍慕容垂譬如龍虎不可馴

王景畧語

山南之事委姚

長龍驤建業今假人長垂一體皆能臣秦也負長垂負秦
君不見拒諫輕敵本符獻奉命叛命附翟斌

姚萇

哀毀過禮下詔求賢十六國中誰後先宏始七年沙門集

翻譯佛經勤蒐輯人奉國師如神遍禮鳩摩羅什

姚興

巽我直關山河百二鎮惡軍來軍需告匱誰令宏農人競
送義租至長驅席捲破渭橋平朔門前碧血漬姚氏骨月
自凋殘譯經拜佛竟何利

姚泓

蜀

五丁力士闢蠶叢秦人兼併賈人戶鹽鐵丹漆利用饒樂
歌爭習巴渝舞李元休祖李虎五百家歸魏武秦雍氏羌
齊萬年驅衆七萬亂典午六郡流人饑不食黑烏赤狐特

是主劉禪信庸才

特

語劍閣開疆土一時人豪三輔驚官桑

敗同草木腐

李特

東羌校尉勇如賁育寧爲雄飛毋雌伏

李流

成都王李仲雋西山侯范長生一主一臣共功名同時元

海寇西河靜擁巴蜀獨有卿萇爾之國號大成

李雄

班夜哭江陽來戕骨肉立李期壽廢之成都宮門熱血流

慘於煮豆燃豆其

李期

舟師七萬譟江流吳會險遠未易收改六郡爲漢州三十

年前識今果應譙周

李壽

李勢驕滌天險削不須夜墜陰平索與檣面縛各不差前

有安樂公後有歸義侯

李勢

前涼

保據河西志異寶融臣本涼州牧不作西平公救洛陽北
宮入衛詣長安宋配前鋒海內荆棘銅駝惟公貢獻道通
張軌

得璽獻璽將兵代漢義聲直指南陽相國不足尊上表晉
王正冠履茂也不如兄兵屯石頭城劉曜師從隴上來稱
藩甘受涼王名孤負參軍馬岌見同槽柏書生

張寔
張茂

自蜀求通開關險阻張淳達建康四世忠貞緒勅雄死後
虎胡生汎舟江河首尾舉北伐一疏張虎旅

張駿

傅涼王世德衰正朔幾忘晉永和博奧徒然誇索綬

張重華

秦始皇燕元璽涼王張祚號和平彈丸僭食擬封豕元真

之神何處來日夜君臣崇禱祀神雀觀前梁下亡庶人葬

隧帝荆杞

張祚

七載冲王若贅疣獨傳雲漢詩韻著涼春秋

張元靖

姑臧城下草離離北山楊樹生松枝牝鹿生角佛生毛符
秦亦岸逞熊羆降王可以爲大臣美人不可爲人妻終愧
閼姬并薛姬

張天錫

西涼

涼公起燉煌溫毅多惠政圖列靜恭堂讚敘欽古聖訓子
有成言隆中足歌詠西北遍槐花不遇秋風勁

李昂

無爲蒙遜辱寧爲國運促悲風起蓼泉忍折中軍纛

李敬

北涼

二父恨黃泉涼洲擁段業男成負沉寃氏池興戈甲鎮西
偉望光騰騰如珠出淵劍出匣健子納金計不工伊敵見
與崔浩同索敞諸人尙文學留與北魏振儒風

沮渠蒙遜沮渠榮健

後涼

秦王愛黠武西域開邊彙建元十九年飛鴻悲路殢更命
呂世明龜茲窮嶮峻步騎七萬人雷霆荒谷震維王帛純
驕咆哮機心迅請救于獐胡傾國輸則賚遣帝唵龍侯霜
飛千里駿矛槩刀交光刺人不轉瞬世明兵如神幻化捷
蛟蜃精騎爲遊軍日揚摩天刃城西血戰酣秋風掃灰燼
撫寧仗恩威身佩都督印三載引軍凱歌還五將山鵲啼
凶信大臨城南軍縞素傳檄諸州期死殉析秦爲涼非本

意符氏山河難再振

呂光

兵入青角門手足恩義斷兄弟桓桓自相欺呂隆之先有

呂纂

呂纂

神鼎三年歸姚秦南涼北涼交相逼始見機終反側姚弼

亂謀卿羽翼

呂隆

後燕

譬如龍虎風雲不可借譬如養鷹條籠不可縱王猛休進

讒權翼諫何用歲星天上吐光鏐一紀中間應繼統

慕容

垂不願爲晉獻公

垂

寶不能爲共世子忍遣趙王麟威脅

段后死中山敗後徙龍城蘭汗置君如敵屣

慕容寶

東奔避符秦戈甲何晃晃盡地圖情形西事瞭如掌手誅

江西詩徵

卷七十五

國朝十一

七

蘭汗震雷霆祖之愛孫風倜儻

慕容盛

高殿起承華土與穀同價營陵涸三泉相依擬泉下搜求

土木魂山川成叱咤吁嗟龍騰苑鼠盜生殘夜

慕容熙

臣本高陽裔無能爲纂奪離班桃仁誰所使春秋誅意首
馮跋

慕容雲

南涼

三河王

呂光

廣武郡公作贊襄大初元年自稱制方寸戈矛

增敵壘君不聞倒馬傷脇醉後言呂光父子幾大喜

禿髮烏孤

延耆老訪政治兄終弟及守遺言車騎將軍儁檀利

利鹿孤

如城城更十二主作者不居居不作

儁檀語

西征乙弗萬里

銀燐盤夜襲金甌破

儁檀利

南燕

中山起蒺藜自鄴徒滑臺黎陽夜合流
澌冰天使稱尊廣武城元真有子迭中興

慕容暉

備德南征從永固留下金刀別母去垂
今一旅起山東有弟有姪就刀鋸納妻
懷姬未行刑納母殘朽在衰齡獄中幸
有再生恩恩由獄掾呼延平逃入羌中
如蜩縮天憐段氏生遺腹太妃臨危授
金刀留與他年歸汝叔叔兮廣固列朝
班超兮行乞歷間艱德死超立南燕王
母妻團圞馬耳關英雄王者劉寄奴兵
臨廣固拔根株瑣兮尾兮流離子建康
市上人悲歎

慕容超

西秦

秦河二州收軍聲騰虎帳向使投鞭真斷流勇士川中亦

良將

乞伏國仁

關隴西捷風雷太子太師參軍國恃有焦生王佐才

乞伏乾歸

南山雲起蟠五色整甲繕兵思蠶食日弓月矢襲偃檀南

涼并入西秦國

乞伏熾盤

饑饉流亡西海鼎沸全家受赫連悔不投北魏

乞伏慕末

北燕

太子不侍疾羣公不奔喪女化男陰變陽轉禍爲福在修

身

左丞傳

休咎不關宋夫人

馮跋

鼠啣馬尾渡存亡應天數魏軍不煩擊遼水飛馳句麗馮

露布

馮宏

夏

長安十陵公家墳墓咸陽宮殿公家室宅三秦父老苦板
留太尉馳驅之長策猜疑初任沈田子庸軟繼聽朱齡石
遂令統萬高城過百雉亭出長空入太白

赫連勃勃

蒸土爲城碎刀斧人心瓦解成崩土

赫連昌

統萬城遙遙瞻望不可及射獵岢藍山西風先飲泣莫訝

魏師來機應羣狐集

赫連定

落星橋

輕風直掃五開蠻烈火嘶風獨往還笑聽金雞鳴戰鬪年
年水咽大幽山

仙都觀

是否麻姑跡真仙未可逢虛無傳七夕突兀老諸峯塵網
蟪蛄密苔痕玉軸封歲寒孤映日獨倚大夫松

將軍池

分得汨羅水盈盈古寺門方圓開半畝日月照雙魂一死
存家國重泉老弟昆年年風雨夜芳草泣王孫

楊方立

方立字念中一字中甫號白存瑞金人乾隆十三
年進士官編修著有默堂詩集

寓懷

東風起暘谷鴻雁爭高飛湛露布坤輿百卉揚芬菲君子
履明盛安能守寒飢千祿固所戒石隱亦良非龍潛而虎

炳所貴各有宜君看天表雲舒卷兩忘機

覆杯置平地杯覆水不收人生一失足百歲猶含羞鸞鳳
遠枳棘鷗鷺棲清流伊彼微禽軀亦各慎所投如何功名
士惘惘罹愆尤太息懷古人吾悲柳柳州

藍田穫白璧無裨斯民飢畫虎張深山不足懼往狸讀書
從王事所許在驅馳羔裘而麟植何以謝虛糜史遷退處
士漢祖嗤庸兒吁嗟儒術輕厥咎將安歸

種松盆盎間所蔭不盈尺移置泰山巔森森蔽空碧真性
苟無傷生理遂弗息寄語同懷子所貴自培植

急流無停舟峻坂無停車莫將一日歡博此七尺軀高門
陳柴戟華屋羅笙竽一朝歎零落忽忽歸邱墟豈無謀身

哲當境每白愚知止老氏言三復起長吁

亭亭菡萏花枝折絲常連青青甘蕉樹至死心纏綿良朋
關至情背面忍相捐尹班期永夕范張深下泉至誼在古
今朗朗照人寰惟彼流俗人輕之若朝烟惟我同心人重
之如邱山

浮雲蔽閭闔白日沉光輝照質雖不沒衆目爲之移峴嶇
百年內涉跡多危疑悠悠方寸心孰與白其微終風悼齊
女芳草怨湘纍薏苡謗明珠紛紛誰是非安得雍門琴一
寫千年悲

風人感陵谷達者論滄桑自非志士心安能久芬芳攬衣
披長劍中夜三徬徨迴車指前路先戒申鸞鳳高步窮泰

岱鼓楫臨淮黃神仙非所求壯士聊徜徉

李牧祠

折木不在風嘗恐蠹先蝕邦人不在寇所憂宵人殖吁嗟
武安君廉藺高比跡百戰走林胡雄聲飛絕域耿耿秦人
視烽烟未敢逼一自郭開讒遂移趙宗祏遺恨埋邊城悲
風冷沙磧長令後代人拊髀重太息

婁敬臺

輓輅遊洛陽羊裘見高帝定策都關中奉春恩予異一語
云沮軍廣武嗟械繫所進皆良謀從違竟殊致乃知智士
畧不窮在天地白日傷浮雲主聰願無蔽念彼千載人臨
風遙隕涕

東臯草堂歌爲陳淡村先生賦

負郭之南山盤紆遠蹠天步撐雲衢層峰疊嶂互攢簇萬
馬踐蹠空中趨蜿蜒百折始一落衍爲平野瀦爲渠就中
有人結靈境云是東臯先生居堂開十畝枕平陸軒楹位
置天然殊斷石爲山蓄雲氣疏泉作沼遊文魚參天嘉樹
面面植椅桐栝柏松杉榆六時好風發清籟流香滴翠搖
扶疎中列牙籤三萬軸奇光昱耀輝珊瑚銅螽沉沉白晝
靜淋漓甲乙丹黃朱吁嗟先生昔年少橐筆射策驚通都
南宮再發不稱意一壘十載瀧江墟讀禮歸來鍵雙戶裏
星不欲來城隅於今星霜五變易一命猶然艱遷除徒聞
蒼生望安石不見狗監推相如飲君泠泠滄江之綠水餐

君青青芳剛之嘉蔬龍門桐裂鍾期死茫茫大塊誰吾徒
男兒有道自貴爾擊壺碎壁胡爲乎君不見王仲淹太平
奇策廢不用拂衣歸著名山書遙遙望古作此曲它年一
識東臯廬

後東臯草堂歌爲陳學山賦

蒹葭江水西風急木葉翻紅秋露白十幅蒲帆挂斷烟元
亭一叩揚雄宅主人愛客啟柴關執手褰衣出笑顏中饋
爲開春甕酒長筵遙展夕陽山山前山後浮雲渡聚散激
茫不知處停杯忽與話當年詞未能終淚先注昔日清明
憶太邱修文砥行先民儔名山偃臥高托跡長松百尺風
颼颼點綴邱園發幽趣太湖白石龍門樹書卷高閑柳谷

居烟霞罨畫浯溪路三秋明月三春花窈窕笙歌出絳紗
高山大有攜榼客曲徑時迴問字車詩瓢酒盞朝還暮青
山止愛高人住潯陽江上檄書來一官抵死催人去去年
苦調計相思猶復丁寧語故枝彭澤菊花憐尙在遼陽白
鶴竟何歸驚鷗蕩海洪濤起丹山羽折瓊華菱蛇年雞夢
兆紛紜悼痛人桀俱已矣流風陳跡剩池臺蟋蟀寒吟四
壁哀舊種杏花餘太息當時燕子尙飛來我昔髫年侍文
讌作歌得許窺壇坫已羨登龍揖孔融猶煩倒屣迎王粲
而今憔悴返江鄉千里紅塵老劍霜重到山陽尋舊夢徒
瞻畫相拜中郎主人收淚重剪燭勸我長歌須再續含毫
攤紙望蒼茫一片秋聲響空谷東臯葉落雨霏微滿庭風

中孝子悲長箋題向庭前樹伴爾慈烏夜夜啼

秦淮曲

金陵城中春簇簇車馬雷聲草飛綠昔年夢喜說秦淮今
朝得唱秦淮曲碧流五月天溶溶鳳舸蘭橈出鏡中裙帶
斜拖文苕綠臉波橫浸石榴紅含商茹徵清歌度平林不
飭飛雲駐誰驚朱鷺落牙檣雙雙槳入花深處花間樓閣
起參差繡幕朱簾掩冉垂雕籠暗藏鸚鵡迹珊瑚深護合
歡枝合歡堂上歡無藉冶綠妖紅目還夜地老天荒海水
枯繁華不返東風謝憶自烟花六代香人間幾度見滄桑
玉樹但聞歌夜月琵琶誰解說興亡我來剝欲尋陳蹟頭
白無人談古昔鍾山花哭杜鵑魂兔走螢飛風惻惻吁嗟

往事實難論且罄青蚨買綠尊依稀絲管中流發又見天
風度彩雲

送別盛水賓歸武寧

劍山才人子墨客下筆琅琅走金石披襟風月酒百盃抵
掌經綸喙三尺長安三月聯履綦秋心搖落秋風時悲歌
擊筑荆高市眼底廓廓無羣兒趙州草沒平原墓千金駿
骨無人顧春明門外路三千長風吹女天南去天南去莫
徘徊男兒一事不稱意便當拂衣歸去來秋原之松春田
韭青山可樂雲可懷安能鬱鬱逐塵網百年不得心顏開
君不見南州高人徐孺子修名砥行臥蓬蒿書展促猶
不起至今風被東湖水

飛狐嶺

崢嶸飛狐嶺輕蹄犯曉霜萬峯停馬首一徑走羊腸日月
天關近山河帝業長猶留王霸蹟亭嶂鬱蒼茫

雨夜感懷

霜林葉落夜闌珊濁酒孤檠慘不歡好友去如歸雁急客
情慵比暮燈殘朔風吹馬思前路時將之代州細雨欺人作小
寒二十五絃餘舊曲傷心何處許悲彈

李克用廟

金鏡晨飛玉馬馳颺迴九縣廣明時分王敢失人臣志遺
矢終成帝子基半壁山川留霸業三關雲日護靈旗憐他
洛水城邊月誰記朱梁一片碑

立秋有感

長空玉露瀉溥溥金井秋來一葉乾靜數年華供去易愁
憐奴僕說歸難楊枝笛冷千家夢腐草螢飛萬點寒伴我
秋心雙劍在夜深時起篋中看

代州秋懷

桑海茫茫記轉移朱門榮戟異當時南塘已改將軍第東
閣徒留水部詩傳庭孫公故第今爲雁平道署戈公謙故居已不可考矣風雨一樓攔
燕子烟花十部冷楊枝至今剩有邊人曲怒鼓清笳聽總
悲

渡吳城寄懷盛水賓昆季

蕭蕭落葉點孤舟彭蠡風濤日夜秋細雨欲催雙槳去孤

雲遙寄一江愁
虞翻憔悴餘香骨
蘇季飄零有敝裘
傳語
劍山堂上客
海鷗吾已托悠悠

攸鎮驛舟中阻雪

漠漠寒雲壓浦斜
荒村古木凍槎枒
東風似解遊人意
早放春山一夜花

泊萬安

荒城艤棹夕陽紅
春事春情總負公
斷驛孤雲愁極目
故園二十四灘風

贛江竹枝詞

八鏡臺前春水生
湧金門外萬舟橫
江樓矗矗斜陽裏
十里輕風打纜聲

三月儲潭水似銀，亂鴉飛處落帆頻。
危灘十八前頭近，伐鼓撻金賽水神。

過黎質存蓬艇寓室賦贈

碧水丹山畫不如，張融江上有舟居。
文章結習刊除盡，留得南華一卷書。

陳存仁

存仁字學山，瑞金人。幼穎慧，與楊方立善。年未二十而夭。有容齋詩集。

東楊念中

春溪不斷芷蘭香，欵曲懷人墨數行。
入世那能忘聚散，論交須得證行藏。
綠蕉帶雨開芳扎，黃鳥呼風有報章。
學劍

少年空爾爾中宵顧影重徬徨

陶金諧

金諧字揮五號適齋南城人思賢子乾隆十三年進士官江華知縣著有適齋詩稿

飲魚亭齋中感賦

西風黃葉夜喧闐對此茫茫別緒牽
天賦奇窮詩有累愁生逆旅酒無權
還家夢落青山外失路情迷素月前
珍重故人相慰藉清狂阮籍有誰憐

閩江道中

信爲浮名老尚忙征衫拂拭換荷裳
每聞險處嫌舟疾但有愁時覺夜長
赤葉迎風辭舊樹黃花背日報新霜
可堪

鶴怨猿啼處更聽舟人話故鄉

謁岳忠武墓

風煙鬱鬱壯佳城醉倚箕山恨未平
無復旌旗能北指空憐心力盡南征
人生到此寧天道臣罪當誅感聖明
一卷金陀和泪讀桃溪零落舊題名

自題瀟湘一客圖後

蓬瀛幾輩快朋簪客裏風濤我獨諳
千古才人哀怨地銷魂合在洞庭南

秋風惜別大江灣水跡雲蹤事等閒
我送客歸君送我月明回首舊刀環

西泠舟中題梅大晴波別友圖

載酒狂歌共短篷西冷煙水漾春風三年舊雨鄉關道人在河梁落照中

雙橋柳色影依稀攜手會同上翠微我意并忘君是客相將只道看山歸

霜菊最憐秋後色枯荷留記雨中聲平生飽識江湖味水跡雲蹤念此情

贈徐大衡陽同年

樽前花影月高高忽聽湖聲促畫橈我輩竟成反招隱人前莫便續離騷參軍久住諳蠻語長吏初來問馬曹珍重江干今日意分飛各自惜鴻毛

偈側輕舟十笏寬鱗簾魚火夜漫漫九迴腸逐江流轉一

線天從甕底看昨夜星辰知不遠平生忠信仗應難青楓
浦上懷人句三匝烏棲總未安

東顧瀘溪

百丈牽舟帶月斜扣關來謁及昏鴉長途觸熱真愁吏小
閣追涼喜放衙江上獨歸人被酒天涯同病客思家吾鄉
風景江南似自汲新泉索鬪茶

甬道途中

曲折穿山翠多從夢裏經新荷明宿露疎柳帶殘星野寺
鐘初散漁家戶尙扁巖巖何敢憚心折短長亭

僕疲村店少小憩贊公房竹影臨牕澹溪聲入夢涼就僧
分淨食與佛乞禪床角角荒鷄曙頻催別上方

試問堂前桂無端誤卻說出山成小草入麤比勞薪偃蹇
將何待蒼涼覺有神丹霄天路近未屑傍風塵

九月同雙溪介夫過江神廟

重陽傳令節羈客倦登臨寂寞天涯意蕭疎江上心聞鐘
知寺近玩月覺更深欲問三生理茫茫不可尋

市塵厭鬱雜解纜若登仙新喜彈冠日空過落帽天山深
風動鐸江遠樹浮煙栗里籬邊菊從今隔幾年

寄固郡伯京師

同舊爲辰州府太守

春江水綠舊時痕短策重過檠戟門父老至今思郭伋吏
民當日護王尊

丁丑大水公禱于神水即止

雁鴻北望傳來信烏鵲南

飛念舊恩回首毛生真錄錄何曾脫穎報平原

將至瀘城野泊州渚呈雙溪

畏日炎蒸甚江行喜夜清星芒涵水動斗柄插雲橫深羨
鳥棲隱微飄白苧輕郵籤三十里明發到瀘城
野泊隨鷗鷺漁家未掩扉隔煙人語小遠浦樹聲微不謂
矜奇服翻令化素衣邱園誰獨往應笑日言歸

自長沙至辰州江行絕句

八月潮平大澤寬扁舟橫渡靜波瀾江空人在煙中語天
遠山從畫本看

天橫鵬鷺秋風健峽門疊巘暮雨腥却聽鄰舟吹鐵笛武
陵哀怨此重經

一行作吏此身浮捧檣聊同汗漫游歸路遲遲出喬口客

帆歷歷入壺頭

題赤壁秋遊圖

蒼茫臨眺獨徘徊今日何人酌一杯
繞樹羣鳥尙南下橫江孤鶴自東來
黿鼉隱見朝光動亭榭參差夕照開
年少且休輕問訊定知塵海有仙才

臥遊如夢俯岩巖點染初驚綵筆描
柳色經秋還旖旎夕陽留客任逍遙
側身天地成今古放眼關河閱暮朝
我亦當年湖海士爲君乘月一吹簫

輕裝初卸話悲辛矮屋剛容七尺身
據榻未除豪士氣浣衣猶惜

帝京塵臣於廉讓之間佳自謂羲皇
以上人翻恐抑掄遭

鬼笑勞勞但見送行頻

卽事

縣小無公事蕭閒歲月長
簾疎新月靜風軟落花香
螺蠹飛筠管蜘蛛網印床
漢臣惟臥閣豈是薄淮陽

叩門憎剝啄應接損精神
披豁思知己殷勤謝俗人
病身窮自健鄉夢遠難真
中夜悲歌意何辭取醉頻

薄宦霜微祿沉吟意不勝
南飛繞烏鵲北徙失鯢鵬
風雨荒三徑江湖伴一燈
彈冠及新沐晞髮任鬢髥

星沙暮發有懷雙溪兄弟

落日蕩中流閃忽初霞綺
煙濛一鷗飛沙明雙鷺起
箕踞少拘束髮散不須理
乍離塵市囂頓有清涼喜
暮過三汊

磯渺渺空雲水

月夜懷雙溪

故人情似月見月便懷君
山色知何處猿聲不可聞
涼生九霄露光散一溪雲
爲報書須寄西風過雁羣

過含翠軒與費履齋廣文話舊

滄江一線遶城隈
繫纜沙頭記幾回
轉憶故人從此去
未知今雨有誰來
蕭蕭冷蝶繁衰草
寂寂流螢點翠苔
等是蒼涼清絕地
西風但促片帆開

雨中出江口

瓜瓢嫩綠水沄沄
徐鼓蘭橈破浪紋
春半花將飛作雪
雨中山欲變爲雲
漁村寒食新煙色
鳥跡平沙古篆文
孤棹

江西詩徵

卷七十五

國朝十一

三

亂峯江上路令人長憶杜司勳

贈吳古心同年

籬落新黃菊又花憐君憔悴尙天涯囊錐脫穎才難得
牌肉驚心鬢易華鳥雀門喧賓易主江湖道遠客無家
白弓倘卜誅茅地擬乞閒身傍釣槎

自老庵堂至北水崗

兩山恰對門上下六十里衆峰如連鰲鱗次脊相倚仰視
何巔巖少進益嶮磴道盤虛空冰滑不受趾攀援藉危
藤鼠鼠連羣蟻首下尻反高目眩心先靡棧危崖欲仆雲
翳山忽徙絕頂稍開豁暉暉滿餘曷其下有寒泉清泠碧
玉委居民四五家几席雜雞豕趨前競慰勞未覺邨野鄙

白鳥自閑適見人忽驚起

營盤山弔石公子墓

明石總兵邦憲戮子以狗軍葬此土人稱曰石公子墓

將軍捐愛子歸骨此山岡不復成家督翻令弔國殤關山
紛雨雪陵谷慨興亡向晚悲風起蕭蕭古戰場

留別

江波西下接清湘回望并州似故鄉記得來時迎竹馬如
今已共使君長

青衫千縷掛煙簑慙愧山中父老何不信峴山真有淚只
應灑向別時多

絕句

客程二月連三月江路出瀧還入瀧我欲抽刀斷瀧水不

教流去下湘江

酬陳冶泉時冶泉去官

折除官職是文章
蠹穴蝸穿與政妨
遂有長貧陳孺子
曾無識曲蔡中郎
獨憐蕉鹿迷前夢
共話尊鱸憶故鄉
并少薄田供釀秫
問予何日返柴桑

出山翻令入山深
冷雁哀猿伴苦吟
遊子不歸春草綠
小人有母白雲深
泥塗久矣無高節
風雨淒其減壯心
底事樓遲戀雞肋
畏途真羨早抽簪

王湘洲過訪索子贈詩

門徑蕭條退院僧
故人相訪骨峻嶒
烏衣巷口聲華舊
鴈足燈前歲月增
老入歡場都少味
近知世態總無憑
雨雲

翻覆須臾事翻是家貧免盜憎

寄侯二首乾兼示李鏡含潤含

天低青作障山近翠爲城欵曲形容老流連朋舊情堂虛
無六月酒醒起三更記得東軒下開窗待月明

李家好兄弟招共竹林遊遠水碧如帶亂山青入樓頻傾
鸚鵡杓使脫鸚鵡裘欲攬羲和轡崩波不少留

入龍潭避暑

山中銷夏借秋涼遠近晴嵐一色蒼樹挾風聲疑雨過溪
流花影覺泉香事如春夢尋無處心似沙禽靜不翔我是
東坡老居士參寥新和有詩章

丙申五十初度厚畚惠詩次韻奉酬兼示門下諸友

江西詩徵

卷七十五

三

老戀家山是本根是非今昨已休論
安仁頗念閒居樂子美惟知拙養尊
舊種蒼松鱗已老新移醉竹節仍存
應憐病叟支離甚不遣人扶候華門

斑駁霜華入鬢根無聞歲月更何論
先年仕宦才原拙小技文章道未尊
壯志消磨雙劍在家風冷澹一經存
三間草屋無多地却喜詩人半在門

聞顧曜七客武昌以詩寄之

人食武昌魚春來又寄居青山新
入手白髮近何如地接三湘濶江
連九派虛越鄉兼感舊莫遣酒杯疎

感懷

西風習習吹寒雲細草平疇作浪
紋天地有情容落魄江

山何地好埋文雄鷄斷尾還須惜天馬拳毛定不羣更憶
張華能下士卽今誰復識機雲

陳道

道字紹洙號凝齋新城人乾隆十三年進士著有
凝齋初稿

擬古

春風來何處汎汎入重闌紅顏時看鏡幽思欲語誰但恐
君難悟寧嫌識察違聊復整襟帶引領待歸期

亭亭碧梧樹燕雀巢其端眾鳥相和鳴焉知非所安緬懷
林麓下飲啄方盤桓如何舍此去甘自犯金丸感歎天機
巧人心自汗漫

梅雲程

雲程字騰遠號怡園南城人之珩子年十五舉於鄉乾隆十三年進士官長幾知縣著有怡園詩集

六月廿一日述事

祝融司天權夜氣爲所鑰晨興立空宇不襪赤兩脚頽盪
徒然勞赫曦轉熏灼怛焉中慘傷竊歎旱魃虐晌午勢逾
烈萬物性弗若良久息稍蘇隨意啟書橐濯纓秋水篇汪
洋觀大暑席地更短睡蝶周互相譁嘒嘒蟬亂鳴殘夢聒
之覺火雲爛西極晚峯燒半角北窗風忽來炎涼共斟酌
因而靜煩喧冥神遊海岳眼波注雪浪胷洞開陰壑乃信
天地間太虛本寥廓

非非庵

想入非非境若何水流花放百年過須從不住尋兜率莫
認終南作補陀味外甜酸宜獨得定中消息本無多一庵
燈火人趺坐夢覺關頭遣睡魔

次毛閭齋韻

抱膝發高吟孤懷托素深雁啼霜欲下虫語夜將沉香散
梅花笛風飄竹葉琴朝川如可卽我亦有遐心

書懷

蹤跡一蓬廬塵埋十丈渠嘶風憫駑馬破浪羨鯨魚有僻
摹公穀無緣賦子虛生涯岑寂慣歲歲一床書

九日

茱萸手把自殷勤珍重遙緘奉老親薄祿虛慚三釜養清
風不厭一囊貧夢隨故國雲山遠感逐天涯節序新料得
高堂酣宴後也應扶杖望羈人

官舍蕭蕭似野村又逢佳節倒清尊芙蓉開謝秋心在苜
蓿淒涼宦味存腕下難成風雨句鬢邊易染雪霜痕逡巡
懶著登高屐坐對南山翠擁門

雪

雙眼因風冷孤懷對雪賒幾曾微上瑞畢竟是空花潔白
存天性飄零老歲華江梅看未發春信不多差

獨坐

漫漫成永夜脈脈正長思何處孤鴻唳空庭偶影知官卑

希僕從鄉遠隔妻兒獨坐悲生事蒼涼月上時
天涯頻節序自擁敝裘看薄宦如雞肋浮生笑鼠肝漏催
燈蕊落霜下菊枝寒萬籟無聲裏錚然劍一彈

留友人酌

興來賓主互相忘坐愛秋亭水一方妙有針鋒投芥子渾
無糟粕倒桑郎長天雁寫寥寥字老圃花留細細香更擬
寒山醉紅葉十千閒買小春陽

洪世楷

世楷字周木號木堂新建人乾隆初優貢

夢中偶得

時見南山雲忽散西山雨雨過山色空雲歸不知所

王世章

世章字九英號訥夫瑞昌人著有訥夫集

新種芭蕉

移來十尺蕉草草種南陌陵陵陌上土新躁非其宅亮不
保根枝安論養魂魄園老候天時惆悵晚風迫洗鋤還入
戶延佇了無策有雨東南來荒涼洗顏色物情良易遂坐
見搖新碧幸托松竹林結根在茲夕

朱符登

符登字孺冲安福人

同熊浣青陶孚中潘雲五游東湖分韻

湖水春更碧芳樹媚三洲好風吹客衣鳴鳥如有求蘇亭

在孤嶼蒼葭何修修欲釀一杯酒誰能棹扁舟
白日落欲盡脚踟生暮愁

峇趙山南

貧賤易爲德志士不可辱淒涼蘆中人豈作窮途哭
南山起白雲江流自相屬之子有奇懷逍遙寄愁目
扁舟字水西衡門且獨宿

劉自越

白越字衍黎安福人著有竹村集

登西巖

去天信尺五危磴望重甍白水峰間落青松石上生懸崖
無鳥立古屋有雲橫千里頻西顧茫茫恨不平

鍾 瑗

瑗字仁則南昌人

同公祠

祠在南昌令同巷久湮乾隆十六年邑令顧錫鬯修復之

致身原不擇微官矢絕空巷戰難罵賊有聲憑寸舌背
城無借賦三單賊殤亂後傳文畧古廟魂歸異代歡半壁
黃昏屋市月馬蹄猶踏暮街寒

鍾建魁

建魁字叔梧南昌人

別友

少年共淪落此日各傷神自有平生恨非關離別新寒風
傳歲鼓斜日冷行人君去應思我情親卽近隣

春江晚眺有懷家兄客燕

春色浮雲斷揚帆客遠行亂山留返照疎柳及清明孤雁
一聲遠征人萬里情誰家吹晚笛江上月初生

秋蟬

應節心偏苦長飢自古難露零雙翼薄風定一枝寒絕食
應無術驚秋那得安繁華不可託玉樹已凋殘

後悼亡詞

可憐雙跳脫還成白玉玦歡樂曾幾時與汝相訣絕

樂鐘

鐘字萃五號活水臨川人乾隆初諸生著有活水

集

江西詩徵

卷七十五

國朝十一

三

贈堦

老眼欣看潤玉姿
庭花佐酒話移時
曾因賣犬憐嬌女
且喜乘龍是可兒
舊物青氈君子澤
新詩黃絹外孫詞
五陵裘馬多年少
莫戀山中桂樹枝

豐源寺尋僧不遇

躡屐尋幽境
看山到上方
寒泉趨古井
老竹避新篁
草長花宮寂
煙消石徑荒
遠公雲外去
歸路正昏黃

紅菊

重陽時節酒杯空
醉得籬花朵朵紅
艷冶尙能欺月桂
凋殘何必怨江楓
騷人弄影明霞裏
處士迷香夕照中
莫信秋容真冷淡
許多寒蝶趁芳叢

過曾如春先生墓

古墓荒山麓殘碑古道旁
剝苔看篆字坐草弔春光
心跡延陵劍生涯般若湯
虎賁難復見那問蔡中郎

江西詩徵

卷七十五

國朝十一

三

江西詩徵卷七十五